

Акафист благодарственный по святом Причащении

Не утвержден для общецерковного использования.

Кондак 1.

Возбранный Воеводо и Господи, Святыми Тайнами Твоими Ты ад в душе моей победил еси ныне! Святыми Тайнами Твоими Ты тяготу греховную с совести моея непостижне ныне снял еси! И аз, причастник Таин сих недостойный, похвальная восписую Ти тако:

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Икос 1.

Ангели Божии, Серафими шестокрылатии, Херувими многоочитии, Престоли огнезрачнии, Господствия, Силы, Власти божественныя, Архангели, Ангели вси! Вы лица ваша закрываете пред Христовыми Страшными Тайнами, на Чашу с боготворящею Кровию взираете со страхом великим и трепетом. Аз же, смрадный и грешный, к Чаше сей како дерзну приступити, вами, огненнии служителие Божии, невидимою силою не отринутый. Сего ради немолчным песнопениям вашим подражая, Божественному снисхождению удивляясь, Господу моему долготерпеливому благодарно вопию:

Иисусе, Серафимами, яко любви пламенногорящая, таинственно зримый, благодарю Тя, яко мне, недостойному, любви Твоея безмерныя насладитися преизобильно в Пречистых Тайнах ныне даровал еси.

Иисусе, Херувимами, яко Премудрость выну светящаяся, созерцаемый, благодарю Тя, яко Пречистыми Твоими Тайнами ум мой к зрению неизследимыя бездны судеб Твоих подвигл еси.

Иисусе, на Престолах огнезрачных странно почиваяй, благодарю Тя, яко во мне, непотребном, Святыми Твоими Тайнами, яко на Престоле Твоём ныне неизреченно почиваеши.

Иисусе, горними чинами невидимо дориносимый, благодарю Тя, яко мне, дольнему, носити Тя, во мне самом ныне благоволил еси.

Иисусе, всех воинств непрестающее удивление, благодарю Тя, яко милости Твоя неисчетныя на мне ныне удивил еси.

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Кондак 2.

23.33.32 Вижду 33 нѣне, яко Святѣми Тѣйнами Твоѣми исцелѣн ѣсмь от проказы души моея, сего ради прокаженному самарянину уподобся, падаю ниц при ногу Твоею, Иисусе Целителю Мой, со гласом велиим хвалу Тебе вознося: Аллилуия.

Икос 2.

Разум никийже, ни горний, ни долний, постигнути может, како Невместимый небом и небом небесѣ Святѣми Тѣйнами Своѣми вмещаетися Вѣсь в мя. Сего Таинства несказаннаго и аз не постигая, точно Тебе, Господа моего, в себе ныне ощущая, с трепетом взываю Тебе сицевая:

Иисусе, в Вифании в дом Марфы и Марии вшедый, благодарю Тя, яко в дом души моея падшия ныне премилостивне вшел еси.

Иисусе, с Марією о едином на потребу беседовавый, благодарю Тя, яко и со мною ныне сладце беседеши, и сею сладкою беседою мене, унылаго, тепле утешаети.

Иисусе, лозо истинная, благодарю Тя, яко мене, розгу дикую, от Тебе отпадшую паки к Себе привил еси.

Иисусе, источниче безсмертия, благодарю Тя яко мене жаждою греховною истомленного, Кровию Твоею Честною ныне напоил еси.

Иисусе, от блудницы лобзанный, благодарю Тя, яко мене, блудному, в Святых Твоих Тайных дал еси целовати Тя не точно устами, но и душею, и сердцем, и всею мыслию моею.

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святые Твоя.

Кондак 3.

Силою крепкою всего мя исполнил еси, слабаго, малодушнаго, причастием Пречистых Таин Твоих. Сими тако на враги моя видимые и невидимые укрепленный победно пою Тебе: Аллилуия.

Икос 3.

Имя неизследимую милосердия бездну, с мытарей и грешники ял и пил еси, и аз ныне, подобный им, Трапезы Твоея Тайныя странно насыщенный, Тебе, моему благодетелю, со умилением восклицаю:

Иисусе, друже мытарей и грешников, благодарю Тя, яко мене, грешнаго, на вечере Твоей тайной, яко друга Твоего с Собою спосадил еси.

Иисусе, у Закхья мытаря милостивне витавый, благодарю Тя, яко и во мне, окаяннем, ныне витаети и ко исправлению мя тем наставляеши.

Иисусе, телѣца упитаннаго Отцѣм блудному сѣну закланнаго в прѣтче изобразивый, благодарю Тя, яко менѣ, блудному, Себѣ Самаго в пищу ныне заклал еси.

Иисусе, в Евангелии Твоѣм рекый: «не требуют здравии врачѣ, но болящии», благодарю Тя, яко менѣ, всего боляща, язвами греховными изъязвлена, ныне Тайнами Твоими чудесно исцелил еси.

Иисусе, Пастырю добрый, благодарю Тя, яко менѣ, овчѣ заблудшее, ныне на рамена Твоѣ Пречистыя милостивно подъял еси.

Иисусе, Хлѣбе Живый, Хлѣбе Небесный, Хлѣбе Сладчайший, благодарю Тя за Тайны Святыя Твоѣ.

Кондак 4.

Буря страстей мою душу смущаше, Ты же, Господи, во Святых Твоих Тайнах вшед в мя, яко некогда морю волнующуся, буре сей душевной запретил еси, глаголя: «молчи, престани», и се ныне тишина во мне велия, се ныне мир Твой во мне, всякий ум превосходящий. Темже душею умиленною Тебе воспеваю: Аллилуия.

Икос 4.

Слышу аз, Господи, ныне Пречистыя Тайны прием, глас Твой сладчайший, в сердце моем безгласно гласящий всяку истину, всяку правду. Сего ради и аз дерзаю Тебе тако возглашати:

Иисусе, Учителю благий, благодарю Тя, яко Тайнами Твоими Пречистыми учиши мя ныне смирению, кротости, любви, состраданию.

Иисусе, Плоть Твою, ко Кресту пригвожденную, странно в пищу мне давай, благодарю Тя, яко сею пищею плоть со страстьми и похотьми распинати мя укрепляеши.

Иисусе, со Крестом Твоим на Голгофу ишедый, благодарю Тя, яко менѣ Святыми Тайнами Твоими Крест мой терпеливо нести ободряеши.

Иисусе, со Крестом за врагов Твоих моливыйся, благодарю Тя, яко и менѣ, причастника Таин Твоих, за моих врагов молитися призываеши.

Иисусе, Тело Твое и Кровь Твою подавай ми во оставление грехов, благодарю Тя, яко сими заповедуеши ми ныне оставлять вся согрешения, вся обиды ненавидящим и обидящим мя.

Иисусе, Хлѣбе Живый, Хлѣбе Небесный, Хлѣбе Сладчайший, благодарю Тя за Тайны Святыя Твоѣ.

Кондак 5.

23.33.32 Богстворящую Крѡвь Твою Іоанн, ученик Твоѣй возлюбленный, видев, из прободеннаго ребра Твоего истекшую, свидѣтельствуе о сем в Евангелии. И аз ныне, видев сей источник безсмертия, во все существо мое истекший, свидѣтельствую о сем благодарственно песню мою: Аллилуия.

Икос 5.

Видевше ты боговидцы божественнии Моисей и Илия: оубо камением, оубо милотию со страхом и трепетом себе покрываху; аз же, окаянный, в себе ныне Ты созерцаая, чем покрюся? разве только безмерною милостию Твоею, тако зывая:

Иисусе, пророками предвиденный, благодарю Тя, яко зрети Тя близ сподобил мя в Святых Твоих Тайнах.

Иисусе, Апостолами проповеданный, благодарю Тя, яко за Литургией Божественной слух мой огласил еси сею безсмертною Твоею проповедью: «примите, ядите, сие есть Тело мое, еже за вы ломимое во оставление грехов»; «пийте от нея вси, сия есть Крѡвь Моя, Новаго Завета, еже за вы и за многие изливаемая во оставление грехов».

Иисусе, мучениками исповеданный, благодарю Тя, яко и мене пред Чашею Твоею сиче удостоил еси Тя исповедати: «Верую, Господи, и исповедую, яко Ты еси воистину Христос, Сын Бога Живаго».

Иисусе, преподобными в молитвах присно призванный, благодарю Тя, яко во мне ныне, о чемом молиться неведущему, Сам молишия воздыханьи неизглаголаньи, присно зывая: «Авва Отче!»

Иисусе, святителями и иереями на алтарях святых в Жертве безкровной приносимый, благодарю Тя, яко мене самаго алтарем Твоим страннолѣпно ныне соделал еси.

Иисусе, Хлѣбе Живый, Хлѣбе Небесный, Хлѣбе Сладчайший, благодарю Тя за Тайны Святые Твоя.

Кондак 6.

Исповедую, Господи, Твою благодать, исповедую Твою милость, не таю благодеяний, ихже обильно излил еси на мя во Святых Твоих Тайнах, пою и воспою Тебе: Аллилуия.

Икос 6.

Воссия во мраце души моея солнце пресветлое от приятых ныне Пречистых Таин Твоих. Сам, светом небесным озаренный, зываю:

Иисусе, Свете тихий, благодарю Тя, яко во тме мне светиши и тма моя Тя не объят.

23:33:32
Иисусе, сияние славы Отчия, благодарю Тя, яко во свете Твоём зрю свет Отца, свет Духа Святаго.

Иисусе, прострый небо яко кожу, благодарю Тя, яко во мне самом, небо таинственно ныне простёрл еси.

Иисусе, Егже поёт солнце, Егже славит луна, Емуже молятся звёзды, благодарю Тя, яко Святыми Твоими Тайнами всего мя подвигл еси славити Тя, молиться Тебе.

Иисусе, Женише Краснейший, в полунощи мудрыми девами со светильниками горящими сретаемый, благодарю Тя, яко светильник сердца моего погасший, паки ныне возжегл еси.

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Кондак 7.

Хощу аз, Господи, во Святых Твоих Тайнах Тебе ощутивше, николиже ктому от Тебе разлучатися, всегда в Тебе пребывать, всегда благодарне Тебе воспевати: Аллилуйя.

Икос 7.

Дивны, чудны, непостижимы Тайны Твоя Пречистыя, Господи! Мертв быв душею, ныне сих причастився, живу аз всем существом моим. Тебе же, Воскресителю моему, с велиим благодарением вопию:

Иисусе, четверодневнога из гроба воззавый, благодарю Тя, яко и мене, грехом возмердевшего, из гроба моего смраднаго ныне возвал еси.

Иисусе, Источниче приснотекущий вечныя жизни, благодарю Тя, яко мене, нерадением от источника сего отторгшагося, ныне паки с сим чудно воссоединил еси.

Иисусе, поток сый неизъяснимыя сладости, благодарю Тя, яко сладостию сею вся внутренняя моя наполнил еси.

Иисусе, небесных чинов присное радование, благодарю Тя, яко Святыми Твоими Тайнами всего мя, печалию подавленнаго, радости духовныя и веселия божественнаго исполнил еси, и тако согбеннаго подъял мя еси.

Иисусе, скорбных утешение, благодарю Тя, яко мене, скорбию всего соугнетеннаго и стесненнаго, на простор Твоёй широкый и благодатный ныне извел мя еси.

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Конда́к 8.

Стра́нно ны́не, Христе́, по глаго́лу Твоему́: «Ты́ во мнѣ пребыва́еши, и аз пребыва́ю в Тебе́», стра́нно, я́коже Симео́н пра́ведный, ны́не держу́ Тя! О, Го́споди мо́й, Го́споди, что́ есмь аз, я́ко та́ко посеща́еши мя! Таково́ю сла́вою и че́стию от Тебе́ венча́н, благода́рно Тебе́ восклица́ю: Аллилу́ия.

Икос 8.

Весь, я́ко желе́зо раска́ленное огне́м проника́ет, ны́не напо́лнен, насыще́н Тобо́ю, Го́споди Бо́же! Ны́не позна́х, я́ко вои́стину Тво́й есмь аз, и сего́ ра́ди си́це воспева́ю:

Иисусе́, Имже благода́ть и и́стина бы́сть, благода́рю Тя, я́ко от исполне́ния Твоего́ и аз ны́не прия́х благода́ть возблагода́ть.

Иисусе́, Уме преве́чный, благода́рю Тя, я́ко Святы́ми Та́йнами Твои́ми у́м мо́й го́рняя му́дрствовати возбуди́л еси́.

Иисусе́, Прекре́пкий, благода́рю Тя, я́ко во́лю мою́, грехо́м разсла́бленную, дивно ны́не укрепил еси́.

Иисусе́, Обно́вителью ду́ш на́ших, благода́рю Тя, я́ко мя́, безме́стными дея́ньми обветша́вшего, чу́дно ны́не обно́вил еси́.

Иисусе́, Хле́бе Живы́й, Хле́бе Небе́сный, Хле́бе Сладча́йший, благода́рю Тя за Та́ины Святы́я Твоя́.

Конда́к 9.

Все́ естество́ моё, Го́споди Иисусе́ Христе́, от посеще́ния Твоего́ ми́лостиваго, ны́не ликует, игра́ет, пра́зднует, веселится́, велича́ет Тя, поёт Тебе́ пе́снь победну́ю: Аллилу́ия.

Икос 9.

Витийствовати не мо́гут ни язы́к челове́ческий, ни а́нгельский вели́чия Та́ин Пречи́стых Твои́х, Го́споди! Ка́ко под ви́дом хле́ба Те́лом Твои́м Пречи́стым напитал мя́ еси́. Ка́ко под ви́дом вина́ Кро́вь Твою́ боготворя́щую по́дал мне́ пи́ти! О, Го́споди Живы́й, со трéпетом Тебе́ вопи́ю:

Иисусе́, творя́й чудеса́ Еди́н, благода́рю Тя, я́ко во мнѣ самѣм чу́до ны́не превели́е сотвори́л еси́.

Иисусе́, исполня́ющих во́лю Твою́ сродника́ми Твои́ми именовавы́й, благода́рю Тя, я́ко мене́ прия́тием Та́ин Твои́х сокров́ным и сотелес́ным Тебе́ ны́не соде́лал еси́.

Иисусе́, Бо́же непостижи́мый, благода́рю Тя, я́ко мне́ дарова́л еси́ бы́ти ны́не о́бщником Божество́ннаго естества́.

23:33:32
Иисусе, со Апостолами Твоими в гóрнице Сиóнской вечеря́вый, благодарю́ Тя, я́ко в душе́ моёй убо́гой гóрницу Себе́ ны́не устро́ил еси́.

Иисусе, но́ги ученико́м на ве́чери умы́вый, благодарю́ Тя, я́ко Та́йнами Твоими́ всего́ мя́ от скве́рны плóти и ду́ха, ны́не омы́л еси́.

Иисусе, Хле́бе Живы́й, Хле́бе Небе́сный, Хле́бе Сладча́йший, благодарю́ Тя за Та́ины Святы́я Твоя́.

Конда́к 10.

Спаси́телю Бо́гу, Та́ины Сво́я Пречи́стыя в пи́щу мне́ дарова́вшему и Си́ми мене́ обожив́шему, пою́: Аллилу́ия.

Икос 10.

Царю́ Небе́сный, смири́вшийся смире́нию моему́, хвале́бную пе́снь Тебе́, недостóйный аз, приношу́:

Иисусе, Егóже Ца́рство все́х веко́в и влады́чество во вся́ роды́ и роды́, благодарю́ Тя, я́ко Ца́рство Твое́ вну́трь мене́ устро́ил еси́.

Иисусе великодарови́тый, благодарю́ Тя, я́ко правду, ми́р и ра́дость Ца́рствия Твоего́ восчу́вствовати се́рдцем мо́им ны́не дарова́л еси́.

Иисусе всеще́дрый, благодарю́ Тя, я́ко щедро́ты Твоя́, я́ко до́ждь благода́тный, оби́льный, на мя́ ны́не в Та́йнах Пречи́стых изли́ял еси́.

Иисусе, сокрови́ще на небеси́ иска́ти повеле́вый, благодарю́ Тя, я́ко сокрови́ще честне́йшее, Святы́я Та́ины Твоя́, при́яти мя́ ны́не сподо́бил еси́.

Иисусе, от волхво́в поклонéние с да́ры приéмый, благодарю́ Тя, я́ко мне́ дал еси́ ны́не поклоня́тися Тебе́, во Святы́х Твои́х Та́йнах.

Иисусе, Хле́бе Живы́й, Хле́бе Небе́сный, Хле́бе Сладча́йший, благодарю́ Тя за Та́ины Святы́я Твоя́.

Конда́к 11.

Пе́ние та́инственное, сокрове́нное, сла́дкое, а́нгельское слы́шу аз ны́не в душе́ моёй, Го́споди. Поёт душа́ моя́, Тобо́ю исцелéнная. Поёт душа́ моя́, Тобо́ю просветлéнная. Поёт душа́ моя́, Тобо́ю обожéнная. Поёт душа́ моя́, Тобо́ю горе́ вознесéнная. Поёт Тебе́ душа́ моя́, Тя́ приéмшая. Поёт Тебе́ пе́снь: Аллилу́ия.

Икос 11.

Свёта Подáтелю и все́х веко́в Тво́рче, Го́споди, во Свёт Тво́й ны́не призва́л мя́ еси́, сы́ном Свёта мя́ ны́не странноле́пно соде́лал еси́. Тебе́, Свёту ми́ра, свéтло вопию́ аз:

Иисусе, оде́йся свéтом я́ко ризо́ю, благодарю́ Тя, я́ко ризо́у Твою́ свéтлую мне́, помраче́нному, по́дал еси́.

Иисусе, с Моисеем и Илиёу на Фаворе бесѣдовавый, благодарю Тя, яко со мною, недостойным, сладце и пресладце ныне бесѣдуеши.

Иисусе, облаком светлым народ Твой древле водивый, благодарю Тя, яко мене Тайнами Твоими привел ныне в покой Твой желанный.

Иисусе, праведныя Твоя просвещая яко солнце, благодарю Тя, яко мене просветил еси ныне ко зрению всего убожества и ничтожества моего пред величием славы Твоея.

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Кондак 12.

Благодати Пресвятаго Духа велия, пречудныя, преславныя, непостижимыя, от Даров Святых исходящия, грех моих ради не возбранил еси посетити мене, Боже мой, благодать сию туне мне давай, прими от мене песнь сию: Аллилуия.

Икос 12.

Поюще любовь Твою неизмеримую, в Святых Тайнах мне ныне явленную, благодарною мыслию, благодарным же сердцем, благодарными же удесы души и тела моего величаю и сие славословлю Тя, Боже мой:

Иисусе, учеником Твоим по Воскресении явивыйся, благодарю Тя, яко и мене окаянному во святых Твоих Тайнах ныне явился еси.

Иисусе, Апостолом Твоим мир преподавый, благодарю Тя, яко всю душу мою миром неизреченным ныне исполнил еси.

Иисусе, Луккою и Клеопоу в преломлении хлеба познанный, благодарю Тя, яко и мене, недостойному, в Святых Твоих Тайнах дал ныне познати сладость Твою, милость Твою, снисхождение Твое странное.

Иисусе, Фомою осязанный, благодарю Тя, яко мене, маловерному, дал еси осязати Тя во Святых Твоих Тайнах, осязати ребра Твоя, рuce Твой, нoзи Твой, Господи.

Иисусе, Фомою Господом и Богом исповеданный, благодарю Тя, яко вся душа моя, все сердце мое, вся чувства моя, все существо мое, Тобою ныне объято, верою несумненною Тебе ныне восклицает: «Господь мой и Бог мой».

Иисусе, Хлебе Живый, Хлебе Небесный, Хлебе Сладчайший, благодарю Тя за Тайны Святыя Твоя.

Кондак 13.

О, Иисусе мой, Хлебе Живый, Хлебе Небесный, Хлебе Сладчайший, Хлебе Превожделенне, Тобою питаются Ангели на небесех приизобильно. Благодарю

29.33.32
Тя, яко и аз, странник и пришлец на земли сый, насытился ныне Тобою! О, Пище моя крепкая, Питие неисчерпаемое, Источник безсмертия и Жизни Подателю. О, Пасха таинственная, Пасха Всечестная, Пасха Непорочная, подавай мне истее Тебе причащаться в не вечернем дни Царствия Твоего, подавай мне пети Тебе во веки вся неисчетная песнь великую, в вышних трегубо песнословимую: Аллилуия, Аллилуия, Аллилуия.

[Сей кондак глаголется трижды. И паки читется 1-й икос: Ангели Божии... и кондак 1-й: Возбранный Воевода и Господи...]